

Broj: 502

Datum: Sarajevo, 28.8.2020. god.

## KRIZNI PLAN PRIPRAVNOSTI I ODGOVOR NA POJAVU NOVOG – CORONAVIRUSA ( COVID -19 )

U skladu sa Naredbom Kriznog stožera Federacije Bosne i Hercegovine broj: 01-33-4670/20 od 20.8.2020. godine, **Naredbe Ministarstva za obrazovanje, nauku i mlade Kantona Sarajevo, broj 11-34-31987/20 od 26.8.2020. godine**, Preporuke Zavoda za javno zdravlje Federacije BiH, člana 45. Zakona o srednjem obrazovanju („Službene novine Kantona Sarajevo“ broj 23/17 i 30/19) i člana 152. Pravila JU Druge gimnazije Sarajevo broj: 502 od 31.08.2020. godine, direktor škole donosi:

### **KRIZNI PLAN PRIPRAVNOSTI I ODGOVORA NA POJAVU NOVOG KORONAVIRUSA (COVID-19)**

Donošenje ovog Kriznog plana ima za cilj praćenje situacije i poduzimanje preventivnih mjera u cilju sprječavanja epidemije (COVID 19), podizanje i promoviranje svijesti zaposlenika, učenika i ostalih posjetitelja u Ju Druga gimnazija Sarajevo u okolnostima koje su izazvane pojavom koronavirusa (COVID 19).

### **I RADNJE KOJE ĆE SE PODUZIMATI**

Nalaže se radnicima škole, učenicima i ostalim posjetiocima da poštuju Naredbe Kriznog stožera Federalnog ministarstva zdravstva, Preporuke Zavoda za javno zdravstvo Federacije BiH i Instrukcije Ministarstva za obrazovanje, nauku i mlade Kantona Sarajevo, te ostalih uputa iz ovog Plana i to:

- smanjiti fizički kontakt,
- osigurati poštivanje fizičke distance od najmanje 1,5 metara,
- reducirati posjete školi,
- koristiti obavezno maske u prostorijama škole, na sastancima, sjednicama i drugim skupovima,

- vršiti mjerenje temperature uposlenicima prilikom ulaska u školu,
- kontinuirano provjetravati prostorije škole,
- obavezno provoditi higijensko – epidemiološke mjere i dezinfekciju pri ulasku u objekat škole.

## **II PROMOVISANJE / EDUCIRANJE / PREDUZIMANJE ORGANIZACIJSKIH MJERA**

- kontinuirano educirati zaposlenike i učenike o znakovima i simptomima bolesti putem propagandnog materijala i uputstava, kako bi se promoviralo rano prepoznavanje simptoma bolesti, te spriječilo rano širenje bolesti,
- koordinirati po potrebi nadležne krizne štabove i službe,
- ohrabrivati osoblje koje ima simptome da ostane kod kuće uz mjere samoizolacije, odobravanjem korištenja godišnjeg odmora/plaćenog odsustva sa rada, otvaranjem bolovanja,
- preduzimati i druge aktivnosti prema uputstvima nadležnih institucija u cilju sprječavanja širenja bolesti među zaposlenicima i učenicima.

## **III ODGOVORI NA POJAVU KORONAVIRUSA**

- svaki uposlenik i učenik kod kojeg je povišena tjelesna temperatura (preko 37,2 stepeni C) i koji pokazuje simptome ove bolesti, te i u slučaju da je kod zaposlenika/učenika laboratorijski potvrđen COVID-19, bez obzira na simptome, obavezan je ostati kod kuće,
- svaki uposlenik i učenik kojem je propisana obavezna kućna izolacija u trajanju od 14 dana, od strane nadležnog sanitarnog inspektora ili epidemiološke službe dužan je poštivati naloženu mjeru,
- u slučaju da je kod većeg broja uposlenika/učenika potvrđen COVID-19, a da su prethodno imali kontakt sa većim brojem uposlenika/učenika, zaposlenici će se uputiti na „rad od kuće“, a učenici ostati kod kuće, izostanak sa posla/nastave će se smatrati opravdanim.

- ukoliko nastavnik/stručni saradnik škole oboli od COVID-19 direktor škole u trajanju oporavka angažuje stručnu zamjenu ili se process rada prebacuje na online ukoliko je radnik sposoban za rad od kuće. Navedeno važi i u slučaju samoizolacije radnika (sumnja na kontakt sa COVID-19).

#### **IV PREPORUKE RADNICIMA I UČENICIMA**

Svakodnevno praćenje i djelovanje u skladu sa naredbama, uputstvima i ostalim aktima nadležnih institucija i službi.

Krizni plan pripravnosti može se promijeniti u skladu sa epidemiološkom situacijom te naredbama i preporukama Federalnog ministarstva zdravstva, Ministarstva zdravstva Kantona Sarajevo, Federalnog štaba civilne zaštite i Štaba civilne zaštite Kantona Sarajevo.

Preporučuje se redovno informisanje putem web stranice Federalnog ministarstva zdravstva: <https://covid19.fmoh.gov.ba/>

Učenici koji iz zdravstvenih razloga nisu u mogućnosti da prate nastavu u školi, treba da dostave mišljenje nadležnog ljekara.

#### **V OSTALE MJERE**

- **Operativni tim za dalje poduzimanje neophodnih aktivnosti**

Direktor škole imenuje Tim za dalje poduzimanje neophodnih aktivnosti u vezi sa sprječavanjem širenja zaraze u radnim prostorijama Škole, te u vezi sa istim donosi potrebna uputstva i instrukcije.

- **Prijave u vezi sa nepoštivanjem propisanih mjera**

Sve prijave u vezi sa nepoštivanjem propisanih mjera utvrđenih ovim Kriznim planom dostavljaju se navedenom Timu i/ili prijavljivanjem u „demokratskom sandučiću“.

- **Nepridržavanje mjera utvrđenih Kriznim planom**

Nepridržavanje mjera utvrđenih ovim Kriznim planom predstavlja kršenje odredbi Zakona o zaštiti stanovništva od zaraznih bolesti („Službene novine F BiH“, broj 29/05).

## **VI STUPANJE NA SNAGU**

Krizni plan pripravnosti stupa na snagu danom donošenja i isti će biti objavljen na web stranici Škole, dostavljen svim radnicima škole putem e-maila i oglasnim pločama Škole.

**DIREKTOR ŠKOLE:**

Seid Alibegović, prof.